

## Inatsisissatut siunnersuummut nassuiaatit

**Nassuiaatit nalinginnaasut****1. Aallaqqaasiut**

Naalakkersuisut suliffissarsiortunik aamma suliffissanik neqeroorutaasunik nalunaarsuinissamut aqutsinissamullu atorneqartussamik, nuna tamakkerlugu suliffissanut nittartakkamik 2015-imi pilersitsinissamik pilersaaruteqarput.

UPA2015-imi inatsimmut allannguutissatut siunnersuut Inatsisartut akueraat, suliffeqanngitsut suliffissanut nittartakkamik atuisalernissaannik malitseqartussamik. Tamanna pivoq komunit aamma sulisitsisut sulisussat Kalaallit Nunaanni pissarsiarineqarsinnaasut pillugit eqqortumik takussutissinneqarsinnaaqullugit.

Taamaattumik suliffissanut nittartagaq sapinngisamik pitsaanerpaajutinniarlugu pilerinaateqartinniarlugulu, siunnersuummi matumani suliffissanut nittartakkap sulisitsisunit avataaneersunik sulisoqarnissamik kissaateqartunit pinngitsoorani atorneqartussanngortinneqassaaq. Taamaaliornikkut qulakkeerneqarpoq Kalaallit Nunaanni suliffeqarneq tamarmi ilaatinneqartassasoq sulisitsisup sulisussarsiornerani.

Qitiusumi paasiniaasarfimmik taamaasilluni pilersitsinikkut, qaqugukkulluunniit takuneqarsinnaangorlugu suliffissat qanoq ittut sumilu sulisussarsiuunneqarnersut periarfissaqartitsilisaaq nuttarnersitsiniarnermut aningaasaliissutit ullumikkornit annertunerungaartumik iluaqutigineqarsinnaalernissaat.

Suliffissat suuneri aammalu atorfinnut piukkunneqarsinnaanissamut ilinniartitaanerit imaluunniit pikkorissarnerit suut suliffeqanngitsut piginnaaneqarfigissaneraat tamakkiisumik takuneqarsinnaalerneranni, Piareersarfiit aamma Suliffissarsiuussisarfiit ilinniareernermi imaluunniit pikkorissareernermi suliffeqalernissamut periarfissat suunersut ilitsersuussinissamut pitsaanerujussuarnik periarfissaqalissapput.

**2. Siunnersuummi immikkoortut pingaarnertit**

Kalaallit Nunaannut suliffissarsiortut killilersimaarnissaat pillugu Inatsisartut inatsisaanni (suliffissarsiortut killilersimaarneqarnissaannut inatsit) ataatsimik allannguisoqarpoq.

Sulisitsisunut atorfinnut inatsimmi maleruagassiivigineqartunut avataaneersunik sulisoqarnisamik kissaateqartunut, suliffissanut nittartakkap pinngitsoorani atorneqartussanngortinneqarpoq.

Suliffissarsiortut nunatsinni nunaqavissut suliffissanut nittartakkami sulisussarsiorluni allagarsiissutigineqartuni atorfinitsinneqartarnissaannik kissaateqarneq aallaavigalugu allannguuteqartitsisoqarpoq, sulisitsisut suliffissanut nittartakkanik atuinerannut ataqatigiissillugu, Kalaallit Nunaat tamakkerlugu suliffissaaleqisut atorfinnut qinnuteqarnissamut periarfissaqartinneqalissalutik.

Sulisitsisut nunatsinni suliffissarsiortunik nalilersuinerminni sulisussaminnik naleqquttunik nassaarsinnaanngikkunik, avataaneersunik sulisoqarnissamut kommunimit akuersissummik qinnuteqarnissamut periarfissaqassapput. Avataaneersumik sulisussarsiornissamut kommunimut qinnuteqartoqarsinnaavoq sulisussarsiornierup quppersakkami allagarsiunneqarsimanera aamma nalaani.

Taamaattumik piffissap suliamik ingerlatsinermut atorneqartup sivisunerulerneranik kinguneqartussaannigilaq, tamanna suli ullunik 14-inik sivisussuseqassammat. Kommunilu suliffissanut quppersakkakkut pitsaanerusumik periarfissaqarpoq kalaallinik sulisussanik sumiiffisniarnissaminut, nalilerneqarporlu suliaq taanna piffissap ullunik 14-inik sivisussusillip iluani naammassineqarsinnaasoq.

Suliffissanut nittartakkap pilersinneqarnissaanut atuutsinneqalernissaanullu suliaq suli ingerlanneqarmat, suliffissanut nittartakkap naammassillugu pilersinneqareernissaa sioqqullugu inatsisip atuutilersinnaanera aalajangersakkami sillimaffigineqarpoq. Allagarsiisarnissaq pil-lugu piumasaqaatit suliffissarsiortunik suliffissanillu neqeroorutaasunik nalunaarsuinissamut aqutsinissamullu atugassami nuna tamakkerlugu suliffissanut nittartakkami ilanngunneqartut, suliffissanut nittartagaq taamaattoq Naalakkersuisunit pilersinneqarsimappat, aatsaat atuutisapput. Piviusumik inatsisip allannguutaa taamaalilluni suliffissanut nittartagaq pilersinneqareerpat aatsaat atuutilissaaq.

<b>Siunnersuut Inatsisartut inatsisaannut atuuttumut sanilliullugu</b>	
	<p style="text-align: center;"><b>§ 1</b></p> <p><b>1.</b> § 5 kingorna ilanngunneqassaaq: ”§ <b>5a.</b> Kommunalbestyrelsimit akuersisummik pissarsinissamut piumasaqaataavoq atorfik, § 2-imi pineqartunut ilaasoq nuna tamakkerlugu suliffissanut nittartakkami,</p>

	<p>suliffissarsiorunik aamma suliffissanik neqeroorutaasunik nalunaarsuinissamut aqutsinissamullu Naalackersuisunit pilersinneqartumi, taamaattumik pilersitsisoqarsimappat, inuttassarsiorlugu allagarsiissutigineqassasoq.”</p> <p><i>Imm. 2.</i> Atorfik suliffissanut nittartakkami minnerpaamik sapaatit akunnerini marlunni allagarsiissutigineqarsimassaaq.”</p>
<p><i>Imm. 3.</i> Akuersissut tunniunneqartut isigineqassaaq qinnuteqartup qinnuteqaatimi tunniunneraniit ullut 14-it qaangiutsinnagit sulisitsisoq allamik nalunaarutisisimangippat.</p>	<p><b>2.</b> § 6, <i>imm. 3,</i> imatut oqaasertalerneqassaaq: ” <i>Imm. 3.</i> Qinnuteqartoq qinnuteqaatip tunniutereernerata kingorna ullut 14-it qaangiutsinnagit allatut nalunaarfigineqarsimangippat, qinnuteqaat akuerineqarsimasut isigineqassaaq, taamaattoq takuuk § 5a.”</p> <p>”</p>
	<p style="text-align: center;"><b>§ 2</b></p> <p>Inatsisartut inatsisaat atuutilerpoq ulloq 1. januar 2016.</p>

### **3. Pisortanut aningaasaqarnikkut allaffissornikkullu sunniutaasussat**

Aalaavittut siunnersuut pisortanut aningaasaqarnikkut allaffissornikkullu sunniuteqassanngitsoq naatsorsuutigineqarpoq.

### **4. Inuusutissarsioranut aningaasaqarnikkut allaffissornikkullu sunniutaasussat**

Allanguutissatut siunnersuutip sulisitsisut pisussaaffilerneqarput atorfiup inuttassarsiuunneqartup nuna tamakkerlugu suliffissanut quppersakkami allagarsiunnissaanut, tamatumalu ilutigisaanik nunanit allaniit sulisussarsiorsinnaanermut.

Suliffissanut nittartakkami atorfiit inuttassarsiorlugit allagarsiissutigineqartut suliffeqanngitsunut ingerlatsiteqqilluni paasissutissiissutigineqaannartussaammata sulisitsisunut immikkut suliassaqarnerulissanngilaq, tassami suliffissanut allagarsiissutissat sulisitsisunit suliarineqareersut suliffissanut nittartakkamut ikkutiinnarneqartussaapput. Tassalu suliffissanut nittartakkami allagarsiinissamut najoqqutassanik immikkuullarissunik pilersitsisoqartussaannngilaq.

Taamaaliornikkut naliiisoqarpoq allannguut annikitsuinnarmik inuussutissarsiortunut aningaasaqarnikkut allaffissornikkullu sunniuteqassasoq.

#### **5. Avatangiisinut, Pinngortitamut aamma inuit peqqissusaannut sunniutaasussat**

Siunnersuut avatangiisinut, pinngortitamut aamma inuit peqqissusaannut sunniuteqartussat naatsorsuutigineqanngilaq.

#### **6. Innuttaasunut sunniutaasussat**

Siunnersuut innuttaasunut ajunngitsumik sunniuteqassasoq naatsorsuutigineqarpoq. Nuna tamakkerlugu suliffissanut nittartakkami pinngitsoorani allagarsiisoqartalernerani, suliffissaaleqisut nunatsinni nunaqavissut amerlanerusut atorfiit inuttassarsiorlugit Kalaallit Nunaanni allagarsiissutigineqartuni atorfinissinnaanissamut periarfissaqalissapput.

#### **7. Sunniutaasussat allat annertuut**

Siunnersuut allanik annertuunik sunniuteqassasoq naatsorsuutigineqanngilaq.

#### **8. Pisorta qarfinnut kattuffinnullu il.il. tusarniaaneq**

Siunnersuut piffissami 18. maj 2015-imiit 22. juni 2015-imut Namminersorlutik Oqartussat tusarniaanermut nittartagaanniippoq.

Siunnersuut aamma tusarniaaffiusunut makkununga toqqaannartumik nassiunneqarpoq:

GE - Sulisitsisut, NUSUKA, SIK, KANUKOKA, Kommuneqarfik Sermersooq, Qaasuitsup Kommunia, Qeqqata Kommunia, Kommune Kujalleq, IMAK, PIP, Sermitsiaq, ASG, Naalakkersuisut Siulittaasuata Naalakkersuisoqarfia, Aningaasaqarnermut Naalakkersuisoqarfik aamma Ilaqutariinnermut, Naligiissitaanermut Isumaginninnermullu Naalakkersuisoqarfik.

Tulliuttuni tusarniaanermut akissuteqaatit aamma allannguutissatut siunnersuutit tusarniaanerup nalaani tiguneqartut sammineqassapput. Oqaatigineqassaaq tusarniaanermut akissuteqaatit, *uingasunik* allassimasut, taamaallaat pingaaruteqassusaannik nalilersuineq tungavigalugit pingaarnertiguinnaq issuarneqarmata.

Tusarniaanermut akissuteqaatit tamarmik tamakkiisunngorlugit Inatsisartuni ataatsimiititaliamut suliarinnittussamut ilanngullugit nassiunneqarput.

*Aningaasaqarnermut Naalakkersuisoqarfik siunnersuummut oqaaseqaatissaqanngilaq.*

*Ilaqutariinnermut, Naligiissitaanermut Isumaginninnermullu Naalakkersuisoqarfik (ININ) inatsisissatut siunnersuummut oqaaseqaatissaqanngilaq.*

*Nuna tamakkerlugu suliffissanut nittartakkamik pilersitsisoqarniarnera KANUKOKA-p tusaatissatut tiguaa. Taamaattoq KANUKOKA-p eqqaasitsissutigaa, immikkut ani-*

*ngaasartuuteqarnerussutaasinnaasut taarserneqartussaasut, aammalu DUT-imut tunngaviu-  
soq isumaqatigiissutigineqartoq innersuussutigalugu, taanna malillugu kommunit nutaanik  
imaluunniit amerlanerusunik suliakkersorneqassappata, taakkununga taarsiisoqartartus-  
saavoq.*

*SIK inatsimmi allannguutaasunut tapersiisinnaavoq.*

*Kommuneqarfik Sermersuup uparuarpaat atortunik nutaanik Namminersorlutik Oqartussanit  
tunniunneqartussanik ikkussuinermit atatillugu aningaasartuuteqartussaasoq.*

*Kommuneqarfik Sermersooq siunnersuummut tapersiivoq aammalu allalluni atorfiit inuttas-  
sarsiorlugit allagarsiissutigineqartut, avataaneersunik sulisoqarnissamik suliarinninnermut  
atatillugu allagarsiissutigineqarsimasut uppernarsaateqartinnissaat siunnersuutip ajornan-  
nginnerulersittussaaga, tassami suliffissanut nittartagaq sulisitsisut pinngitsooratik atortus-  
saammassuk.*

*Sulisitsisut inatsimmi tunngavissarititaasut naammassisimaneeraat kia nakkutigissaneraa,  
aammalu inatsisip unioqutinneqarnerani kina pineqaatissiisussaansoq, Sermitsiaq.AG-ip  
paaserusuppaa.*

Tamanna kommunimi pissaaq, tassami sulisussanik avataaneersunik atorfinitsitsinissamut  
kommunip akuersissutaanik kommunimut qinnuteqartoqartartussaammat. Taamatuttaaq  
kommuni, sulisussanik avataaneersunik qinnuteqaammik itigartitsinermigut, pineqaatissiisus-  
saavoq.

*Sermitsiaq.AG allappoq, suliffissanut nittartagaq suliffissarsiuussisarfirmut saniatigut su-  
liakkersuisussaasoq. Taamatuttaaq oqaatigineqarpoq ingerlatsinermut, aserfallatsaaliuiner-  
mut nutarterinermullu annertuunik aningaasartuuteqartoqassasoq.*

Suliffissarsiuussisarfiiit maannakkutut ilitersuisussaammata aammalu suliffissanut innersuus-  
sisartussaallutik, saniatigut suliakkersuutaassanngilaq. Paarlattuanik suliffissarsiortoq qupper-  
sakkami nalunaarsuiffimmut ikkunneqareeraangat, aammalu nammineq suliffissarsiorsinnaa-  
lluni, suliaasat annikillissussaapput. Suliffissanut nittartakkamut aningaasartuutit sulif-  
feqarnermi innersuussisarnermut inatsimmi ilaatinneqarput, tassanilu suliffissanut nittartagaq  
inatsisitigut tunngavissaqartinneqarluni.

*Sermitsiaq.AG aamma allappoq pisortat suliffissanut nittartagaannik atuinissamik piima-  
saqaatip, sulisitsisut kiffaannngissuseqarlutik aqutsinissaat akornuseraa, tassami taakkua su-  
lisussarsiniartarnissartik pilersaarusiorsinnaassanngimmassuk.*

Siunnersuummi sulisitsisut sulisussarsiniartarnissaminnik pilersaarusiornissamut periarfissaat  
sunnerneqassanngillat. Namminersortut suliffissanut nittartagaasa aamma atuagassiani aviis-

inilu ussassaarutit atorpeqarnissaat, aammalu qinnuteqartut atorfinni allagarsiissutigineqartuni atorfinitsinneqartussat namminneerluni toqqarnissaat, soorunami sulii periarfissaassaaq.

*ASG allappoq sulisitsisup atorfiup allagarsiissutiginiissaa pillugu piimasaqaat naammassisi-magaa qaqugukkut oqartoqarsinnaanersoq nassuiaatini allassimangitsoq. Taamaalilluni atorfik qanoq sivilisutisumik allagarsiissutaasimassanersoq maleruagassinneqar-tariaqaraluarpoq.*

Oqaaseqaatit tusaatissatut tiguneqarput, aammalu nassuiaatini tamanna erseqqinnerulersin-neqarpoq.

*ASG aperivoq sulisitsisut internettimut attaveqarnersut sillimaffigineqarnersoq.*

Sulisitsisut internettimut attaveqanngitsut kommunimut saaffiginninnissaminnik periarfis-saqarput, tassani atorfimmu allagarsiissummik ilanngussinissamut qarasaasiamik atugassin-neqarsinnaallutik.

*ASG allappoq suliffissanut nittartakkap atorpeqarnera suliffissarsiortunut aamma sulisitsis-unut akeqanngitsoq nassuiaatini allassimasariaqaraluartoq.*

Tamanna nassuiaatini erseqqissarneqarpoq.

*Siunnersuut suliffissaaleqisunut qanoq annertutigisumik sunniuteqassanersoq kiisalu anin-gaasaqarnikkut sunniutaasussat qanoq annertutigissanersut allanneqarnissaat ASG-ip kis-saatigaa.*

Suliffissaqartitsiniarnermut periusissiamit tigulaakkani aningaasaqarnikkut sunniutaasussat naatsorsutigineqartut takutinneqarput. Suliffissaaleqisunut tunngatillugu sunniutaasussat pitsaasut tassaassapput, sulisussanik avataaneersunik tikisitsinissamut taarsiullugu anner-tunerusumik nunaqavissunik sulisussanik sulisoqartoqartalissasoq.

#### **Takussutissiaq 4. Suliffissanut nittartakkap, ilitsersuinerup pitsaan-erusup aamma nunaqavissunik sulisoqartarnerup atorpeqarnerulerner-ata sunniutai**

	2015	2016	2017
Ussassaarutit allagarsiissutigineqartut*	-	150	150
Aningaasanut inatsimmi aningaasaliineruneq **	+1,2	+1,2	+1,2
<b>Pisortat aningaasaataannut sunniutaasussat missiliorlugit (mio. kr.)</b>			
Aningaasartuutit	+1,2	+1,2	+1,2
Nuutat sipaarneqartut	0	-4,0	-6,3
Akileraarutitsigut isertitat	0	-4,8	-7,5

<b>Pisortat aningaasaataannut sunniutaasut ataatsimut katillugit</b>	<b>-1,2</b>	<b>-7,6</b>	<b>-12,6</b>
--	-------------	-------------	--------------

Nassuiaat: \* Suliffissanut allagarsiissutit akunnittarfeqarnermut suliassaqqarfimmeersuussasut, sullissinerit suliassaqqarfimmeersuussasut, illulioriternerit sanaartornermullu suliassaqqarfimmeersuussasut pisortat suliassaqqarfiineersuussasut aamma aatsitassanut suliassaqqarfinneersuussasut ilimagineqarpoq. Naatsorsuinerit sammineqarnerannut takuuk ilanngussaq 4. Saniatigit suliffissanut allagarsiissutaasartussat amerlassusaannut missiliuinerit annertooujussuarmik nalorninarqartinneqarput. Naatsorsuinerit kommunit aamma Namminersorlutik Oqartussat ataatsimut katillugit ilua-naarutissaat takutinneqarput. \*\* Aningaasassat IKT-mut periusissamit tunniunneqartut tassani ersinngillat.

*Sermitsiaq.AG aamma ASG allapput siunnersuut suliassanik suliarinninnermut piffissamik sivilisunerusumik atuititsisussaasoq.*

Taamaattoqassasoq isumaqartoqanngilaq, tassami atorfiup suliffissanut nittartakkami allagarsiissutigineqarneranut peqatigitillugu qinnuteqaat tunniunneqarsinnaammat, tamatumalu kingorna atorfiup suliffissanut nittartakkami allagarsiissutaanerata ingiaqatigisaanik, kommunit atorfimmuut suliffeqanngitsumik naleqquttumik nassaarniarnissamik periarfissinneqarluni, suliffissanut nittartakkami qinnuteqaateqartoqarsinnaavoq. Taamaalilluni piffissaq suliassanik suliarinninnermut atorneqartoq ullunik 14-inik sivilisussuseqassaaq, ullumikkut suliassanik suliarinninnermut piffissap atorneqartartup assigalugu. Tamanna nassuiaatini erseqqissarneqarpoq.

*GE allappoq inatsimmi allannguuteqartitsinerit atorfinitsitsiniarnerit ingerlasarnerisa pisariaqanngitsumik kinguarsarneqannginnissaat pingaaruteqarlunnartoq.*

*Periaaseq atuutereersumut assingusoq siunnersuutigaaq, taamaattoq imaalillugu kommunip suliffissanut nittartakkami atorfik allagarsiissutigisassagaa.*

Siunnersuummut allannguutaasussat siunnersuutigineqartoq akuerineqarsinnaanngilaq. GE-p allanneranut, GE-mi ilaasortaasut piukkunnartunik, maani najugaqartunik sulisussanik atorfinitsitsisarnissaq erseqqissumik soqutigisaraat. Sulisitsisut aamma atorfimmuut allagarsiissutissap ilusilersornissaanut kiisalu piukkunnassuseqartutut ujartorneqartut erseqqissumik allannissaannut sulisitsisut naleqqunnerpaajupput. Taamaattumik sulisitsisut tassaasariaqarput suliffissanut nittartagaq aqqutigalugu Kalaallit Nunaanni suliffissaqartitsisussaasut.

Atorfiup suliffissanut nittartakkami allagarsiissutigineqarneranut peqatigitillugu kommunimut akuersissummik qinnuteqartoqarsinnaammat, taamaalilluni sulisitsisut saniatigit suliassanik suliarinninnermut piffissamik atuisassanngillat. Aamma naatsorsuutigineqartariaqarpoq sulisitsisut ullumikkut Kalaallit Nunaat tamakkerlugu assigiinngitsuni arlalinni atorfiit inuttassarsiorlugit allagarsiissutigisaraat, taamaattoqarsimappallu suliffissanut nittartakkami allagarsiissutaasoq tamatumunnga ingiaqatigitillugu pisinnaasoq.

*Tusarniaanermut akissuteqaatit arlallit suliffissanut nittartagaq unammilleqatigiinnermut equitsissasoq isumaqarlutik oqariartuutinik imaqarput. Taakkua ataatsimoortillugit matuma kinguliani sammineqarput.*

*IMAK allappoq suliffissanut nittartakkamik akeqanngitsumik atuinissaq, aviisinut tunngatil-lugu unammilleqatigiinnermut equititsisussaasoq, taamaattumillu inassutigalugu suliffissanut nittartagaq akeqanngitsuussanngitsoq.*

*GE allappoq suliffissanut nittartagaq unammilleqatigiinnermut equititsisuussasoq, aammalu suliffissanut nittartakkap namminersortut suliffissanut nittartagai tunngavissaarutsissagai.*

*GE tamatuma saniatigut allappoq siunnersuutip tusagassiuutit naqiterneqartartut ilungersu-nartumik inissitsissagai, aammalu kiffaanngissuseqartumik aamma arlaannaannulluunniit attuumassuteqanngitsumik tusagassiornermut piviusumik navianartorsiortitsisinnaasoq.*

*Sermitsiaq.AG taamatuttaaq allappoq, siunnersuut Kalaallit Nunaanni niuerfimmi namminer-sortunut neqerooruteqartartunut naleqqutinngitsumik unammillertitsisussaasoq. Sermit-siaq.AG tamatuma saniatigut isumaqarpoq pisortat suliffissanut nittartagaat tusagassiuutit arlaannaannulluunniit attuumassuteqanngitsut isertitassaannut tunngaviusunut navianartor-siortitsisussaasoq. Suliffissanut ussasaarutinit isertitat aaqqissuisut Sermitsiaq.AG-itut ittut attatiinnarneqarnissaannut aalajangiisuulluinnartumik pingaaruteqarput. Sermitsiaq.AG-p siunnersuut atuisinnaatitaanermik pinngitsaaliissummik taarsiissutitalimmik atuisinnaajun-naarsitsisutut isigaa, tassami naliliisoqarmat nuna tamakkerlugu suliffissanut nittartagaq akeqanngitsoq akuerineqassappat, tamanna isertitassaraluanik annaasaqarnikkut Sermit-siaq.AG-imut 2,5 mio. koruuninik akeqartussaammat.*

Suliffissat ullumikkut tamanut ammasumik allagarsiissutigineqartanngitsut (imaluunniit qaqu-tiguiinnaq allagarsiissutigineqartartut) allagarsiissutigineqartarnissaasa qulakkeerneqarnissaa, suliffissanut nittartakkamut nutaamut siunertaavoq. Amerlanertigut ilinniagaqarsimanngitsun-ut atorfiit, suliffissaaleqisut amerlasuujummata, iluaqutaasumik sulisussanit nunaqavissunit inuttalerneqartarsinnaassapput.

Taamatuttaaq nunami namminermi suliffeqarnerup paasiniaaffiginissaanut misissornissaanul-lu, taamaalillunilu suliffissaaleqisut atorfinnut inuttaqanngitsunut Kalaallit Nunaanniittunut pitsaaneruseqarsimik ilitsersorsinnaanissaannut tulluurtussarsiuussiffigineqarnissaannullu suliffis-sanut nittartagaq kommunit sakkussarissavaat.

Niuerfimmi namminersortutut suliaqartut unammillerneqarnissaat siunnersuummi siunertari-neqanngilaq.

Ullumikkut Sermitsiaq.AG-ip niuerneramik tunngaveqartumik suliffissanut nittartagaata ator-neqarnerata saniatigut Namminersorlutik Oqartussat suliffissanut nittartagaat aamma Kalaallit Nunaanni Peqqinnissaqarfiup suliffissanut nittartagaa, atorneqarsinnaareerput. Atorfiit amer-lasuut Sermitsiaq.AG-imi aamma suliassaqarfinni suliffissanut nittartakkani inuttassarsiorlu-



git allagarsiissutigineqartarput, taamaalillunilu Sermitsiaq.AG-ip suliffissanut nittartakkamin-  
ni aningaasarsiorsinnaanissaannut siunnersuut akornusiinngilaq.

Taamatuttaaq kommunini atorfiit inuttassarsiorlugit kommunip nittartagaani allagarsiissutigi-  
neqartarput, peqatigisaannillu taakkua aamma Sermitsiaq.AG-ip suliffissanut nittartagaani  
pissarsiarineqarsinnaallutik.

Taamaalilluni ullumi atorfinnik inuttassarsiorneqartunik soqanngilaq taamaallaat Sermit-  
siaq.AG-ip suliffinnut nittartagaaniinnaq nassaarineqarsinnaasunik.

Suliaqaqatigiit atuagassiaannut ullumikkut atorfinnik inuttassarsiorlugit ussasaarutini im-  
qartartunut tunngatillugu naliliisoqarpoq, taakkua maannakkutut ingerlaannassasut. Suliaqa-  
qatigiit atuagassiaanni sulisussat naleqquttut atuartussat amerlanerusussaapput, taamaalilluni-  
lu sulisitsisut naleqqunnerusunik sulisussarsiniarnissartik qulakkeersinnaallugu.

Aammattaarlu Atuisartoqarnermut Unammilleqatigiinnermullu Aqutsisoqarfik naliliivoq nuna  
tamakkerlugu suliffissanut nittartagaq akeqanngitsoq, unammilleqatigiinnermut inatsimmi  
aalajangersakkanut akerliussanngitsoq.

Naliliisoqarpoq nuna tamakkerlugu suliffissanut nittartagaq, namminersortut suliffissanut  
nittartagaannut peqatigitillugu atuussinnaasoq, aammalu suliffissanut nittartagaq unammille-  
qatigiinnermut equitsissanngitsoq.

## **Siunnersuummi aalajangersakkanut ataasiakkaanut nassuiaatit**

### *§ 1-imut*

Nr. 1-imut (§5a, imm. 1)

Sulisitsisut atorfinnut § 2, imm. 1-imi inatsimmi maleruagassiivigineqartunut avataaneersunik sulisoqarnissamut kissaateqartut, suliffissanut nittartagaq pinngitsooratik atortartussangorpaat.

Atorfik inuttassarsiorlugu nuna tamakkerlugu suliffissanut nittartakkami allagarsiissutigineqarsimasoq uppenarsaatitut, sulisitsisup atorfimmu inuttassarsiorlugu allagarsiussamut linki ilanngullugu nassiussinnaavaa.

Suliffissanut nittartakkamik atuineq sulisitsisunut, pisortaneersunut aamma namminersortunut, akeqanngilaq.

Suliffissanut nittartakkap pilersinneqarnissaanut suliap ingerlanera suli ingerlammat, suliffissanut nittartakkap inaarutaasumik pilersinneqareernissaa sioqqullugu inatsisip atuutilersinnaanera aalajangersakkami sillimaffigineqarpoq. Taamaalilluni suliffissarsiortunik aamma suliffissanik neqeroorutaasunik nalunaarsuineranut aqutsinermullu atugassamik nuna tamakkerlugu suliffissanut nittartakkami allagarsiissuteqartarnissaq pillugu piumasaqaat ilanngunneqartoq, suliffissanut nittartagaq taamaattoq Naalakkersuisunit pilersinneqarsimappat, aatsaat atorneqalissaaq.

Nr. 1-imut (§5a, imm. 2)

Sulisussanik avataaneersunik tikisitsinissamut akuersissummik tunniussisoqarsinnaanissaa sioqqullugu, atorfik inuttassarsiorlugu minnerpaamik sapaatit akunnerini marlunni suliffissanut nittartakkami allagarsiissutigineqarsimassaaq.

Tamatuma kingunerissavaa, sulisitsisup nuna tamakkerlugu suliffissanut nittartakkami sulissarsiorluni allagarsiissutip tamanut saqqummiunnerata kingunitsiannua, kommunip akuersissutaanik qinnuteqarsinnaalissasoq.

Taamaalilluni sulisussanik avataaneersunik tikisitsinissamik qinnuteqaatip ingerlanneqarnerani, sulisussarsiorluni allagarsiussaq suliffissanut nittartakkami pissarsiarineqarsinnaassaaq.

Nr. 2-imut

Nalornisoqalernissaa pinngitsoortinniarlugu aalajangersagaq atuuttoq allatut oqaasertaliorneqarpoq. § 5a-imut innersuussinermik ilanngussisoqarpoq, taamaalilluni qinnuteqartoq § 5a-imi piumasaqaatinik naammassinninngitsoq, ullut 14-it taakkua qaangiunneranni akuersissummik pissarsisassanani.

§ 2-*imut*

Siunnersuutigineqarpoq inatsit ulloq 1. januar 2016 atuutilissasoq.